

KOMISIJA ZA VRIJEDNOSNE PAPIRE FEDERACIJE BOSNE I HERCEGOVINE

Na osnovu člana 12. Zakona o Komisiji za vrijednosne papire („Službene novine Federacije BiH“, 39/98, 36/99, 33/04, 92/13 i 6/17), člana 200. Zakona o upravnom postupku („Službene novine Federacije BiH“, 2/98 i 48/99) i člana 48. stav (3) a u vezi sa članom 13. stav (3) tačka a) i članom 40. stav (1) i (2) Zakona o preuzimanju dioničkih društava („Službene novine Federacije BiH“, 77/15), Komisija za vrijednosne papire Federacije Bosne i Hercegovine je, na 99. sjednici održanoj dana 3.10.2023. godine, donijela

RJEŠENJE

1. Utvrđuje se obveza objavljivanja ponude za preuzimanje društva „MEDIKOMERC“ Dioničarsko društvo Sarajevo za unutrašnju i spoljnu trgovinu medicinskim robama (ciljno sruštvo) društvu „NET publishing“ Društvo sa ograničenom odgovornošću Sarajevo (ponudilac).
2. Nalaže se društvu „NET publishing“ Društvo sa ograničenom odgovornošću Sarajevo preduzimanje svih radnji radi objavljivanja ponude za preuzimanje društva „MEDIKOMERC“ Dioničarsko društvo Sarajevo za unutrašnju i spoljnu trgovinu medicinskim robama.
3. Ponudilac ne može ostvariti pravo glasa iz dionica ciljnog društva koje prelaze prag na osnovu kojeg nastaje obaveza za objavljivanje ponude od dana kada je došao u zakašnjenje sa podnošenjem zahtjeva za odobrenje objavljivanja ponude za preuzimanje do dana izvršenja ove obaveze.
4. Određuje se zabrana prometa i prijenosa dionica društva „MEDIKOMERC“ Dioničarsko društvo Sarajevo za unutrašnju i spoljnu trgovinu medicinskim robama društvu „NET publishing“ Društvo sa ograničenom odgovornošću Sarajevo, osim stjecanja i otuđenja putem ponude za preuzimanje društva „MEDIKOMERC“ Dioničarsko društvo Sarajevo za unutrašnju i spoljnu trgovinu medicinskim robama, na način propisan odredbama Zakona o preuzimanju dioničkih društava.
5. Određuje se trajanje zabrane do datuma izvršenja obaveze utvrđene u tački 1. dispozitiva.
6. Nalaže se Registru vrijednosnih papira u Federaciji Bosne i Hercegovine da izvrši provedbu zabrane iz tačke 3. i 4. ovog rješenja.
7. Nalaže se bankama skrbnicima i profesionalnim posrednicima u Federaciji BiH poštivanje tačke 3. i 4. dispozitiva ovoga rješenja.
8. Rješenje će se objaviti u Službenim novinama Federacije BiH.

Broj: 04/3-19-265/23

Sarajevo, 3.10.2023. godine

Predsjednik
Komisije za vrijednosne papire
Federacije Bosne i Hercegovine

Adnan Zukić